

խրկէ, գաւառաց վրայ կարգադրութիւններ կ'ընէ, զորավարաց խրկած տեղեկութիւնները կ'ընդունի, անոնց համար ըլլուելու յաղթական հանգէները կը սահմանէ, հիւպատոսներուն կը հրամայէ վտանգի ժամանակ զօրք ժողվելու, և ամէն արտաքոյ կարգի դատերու գատաւորները ինքը կ'անուանէ: Սոյն այս ծերակոյտը իր հաստատուելէն 'ի վեր հռոմայ գաբիրայն սեպուած է, և նոյն իսկ ամենէն սառտիկ նախանձոտներէն յարգուած: Ժողովուրդը սովոր է զան կոչելու տաճար սրբութեան, բագին ազգաց, յոյս և ապական ամենայն ազանց: 'Կոյնպէս ծերակոյտին անդամներուն հարկ անուը կու տայ, իսկ օտարականք Տէրէ կ'անուանեն զանոնք:

Կը շարունակուի:

ԾԱՂԿԱՔԱՂ ԵՒՐՈՊԱԿԱՆ

Բանտը:

Ընէ դարձո գամ մի զաչս 'ի տխրազգած որմունան, յորում մարդոյս ազատութիւն 'ի ծանրաբեւն յերկաթս կաշկանդեալ, յորում անմեղութիւն է երբէք զի խառնակի ընդ եղեւան, յորում և յառաջ քան զվերջինն ընդ ամենայն անցանէն պատիժս պատուհասից. մատիր, և թէ երբէք չլթայիցն խռով ահաւոր, եթէ խաւարն ահարկու, և հեծութիւնք խուլ և խորին՝ ոչ զսիրտ քո պաղեալ սառուցանեն կամ յետս զքեզ թէ ոչ սոսկումն վարեցէ, մնտ 'ի ցաւոց օթւանս նոցա, պնդեա զքեզ առ սուղ ինչ վայրկեան իջանել յայն սեաւ զնդան զոր չէտես երբէք լոյս արփենույ, և յայն խաթարեալ կերպարանս՝ ծանիր զպատկերակիցսդ, 'ի շղթայիցն ճմլեալք, 'ի ծուէնս ինչ զկէս մարմնոյն ծածկեալ, ժահահոտք յանփոփոխ օդոյն և թուին զթոյն եղերանն կլանել, և որդանցն, որ զգէշս 'ի գերեզմանի սպառեն, կեր լնին կենդանոյն. սակաւիկ ինչ և անախորժ պաշտի նոցա կերակուր. պակնուն սրտաբեկ 'ի նմանավիշտ ընկերացն աղիտից և 'ի սպաւնալեաց անադորոյն պահապանին. ակնկալութիւն զնոսա ահաբեկէ մանաւանդ քան երկիւղ պատուհասիցն. այսպէս մշտատանջ զմահ կո-

չեն ինքեանց ձեռնառու, զբաղցրագոյնն քան զայն կեանս ողորմելի:

Ուէ են արքդ եղեւնաւոր, սակայն և այնպէս գթութեան են արժանիք, և դատաւոր անարդար է դանդաղեալն 'ի գատել զնոսա: Պատուհաս կապեցին օրէնք 'ի վրէժ յանցանաց և 'ի հատուցումն ազգի մարդկան. այլ դժնդակ բանտին տանջանացն երկարութիւն ծանրաբեւնէ կրկին զաղէտս յանցաւորին, և եղծանին օրէնք՝ եթէ ըստ չափ անցանէն. անիրաւութիւն մեծեղեւն առ յանցաւորն և առ մարդկութիւն միանգամայն, թող զի մէն մի վայրկեանք 'ի բանտի անդ ծախեալք կորնչին անպէտք յօրինակ բարուց:

Եւ անմեղ թէ արքդ իցեն, ո՛վ ցաւք, ո՛վ գորովք, մարդկութիւն առ այս կոծ ահաւոր և աղէկէզ ամբառնայ 'ի խորոց սրտէ. Եւ իմէ մարդ յազատուի ծնեալ ընդ բեռամբ հեծէ շղթայից. հազիւ 'ի բանտ խաւարչտին շնչէ պոյն՝ ում երկինք պարգևեցին զօդ և զլոյս եթերին, քարշեալ բռնի 'ի գրկաց ամուսնոյն և որդւոց հայրն տանուտէր: Տաւք, անյուսութիւն և քաղց պատեն զանդորր բնակութեամբ նորա. ձեռքն այն՝ որով զսիրելեաւն փարէր և ընդգրկէր զլոյսն դեռածին, ձեռքն՝ որ զկեանս նոցա հայթհայթէր, որ սերմանէրն և հնձէր, ձեռքն այնոքիկ առ աշխարհն պիտանիք, 'ի շղթայս կան պարաւանդք յանիրաւի. այն սիրտ անարատ և անստգիւտ դնի 'ի վայր պղծեալ 'ի խղճէ մտաց. համառօտ՝ անմեղութիւն հեծէ յօթւանս եղերանց: Եւնդ՝ զկենաց մարդկան նա ինքն լայ ողորմագին զթշուառ պայման. անդ՝ յառեալ զաչս 'ի Վախախնամութիւնն վերին, արձակէ դառն հառաչանս. Օբաղդ քոյին, ո՛վ մարդ, թէ գիտիցէս. վիշտք և մահ, սոքին են քոյոյ կենացդ ասպարիզի թիրախք կրկին մեծամեծ:

ՍԵՐՎԱՆ